

The image shows the front cover of an antique book. The cover is decorated with marbled paper featuring a complex, organic pattern of swirling, cell-like shapes in shades of grey, brown, and white, with veins of yellow, red, and black. A rectangular yellow label is pasted onto the right side of the cover, containing the title and publication information in a cursive script.

*Cantilenæ  
selectiores.*

*Ex antiquis cantionibus  
denuo divulgata a J. Lindell  
Atœa 1761*

CANTILENÆ  
SELECTIONES,

EX ANTIQUIS CANTIONIBUS,  
OPERA

THEODORICI PETRI Nylandensis  
GRYPHISWALDIÆ, 1582  
AB AUGUSTINO FERBERO,

NEC NON

DEINCEPS WISINGSBURGI, 1679

A JOH. KANKEL  
IMPRESSIS, EXCERPTÆ;

DENUOQUE IN GRATIAM SCHOLA-  
RIUM, DISTINCTIS STROPHIS, ALIA-  
QUE LIBITA EMENDATIONE,  
DIVULGATÆ

JOH. LINDELL, ER. PUL.

Dir. Cantus Schol. Cathedral, Aboeni.

*Peter Ph...*  
*...*



ABOÆ, Impressit JOH. CHRISTOPH. FRENCKELL.

1761.

*Johan Gmelin*

*48 24 24  
3-16 24  
24 24 24  
24 24 24*

~~*[scribble]*~~

*178*

*Costa*

~~*[scribble]*~~

~~*[scribble]*~~

*Stark*

~~*[scribble]*~~

# INDEX CANTILENARUM.

De Nativitate Christi.		PAG.
1	<i>Angelus emittitur &amp;c.</i>	3
2	<i>Ave maris stella, Divinitatis &amp;c.</i>	3
3	<i>Dies est lætitiæ In ortu regali &amp;c.</i>	4
4	<i>Ecce novum gaudium &amp;c.</i>	6
5	<i>Congraudeat turba fidelium &amp;c.</i>	6
6	<i>Personent hodie Voces puerulæ &amp;c.</i>	7
De fragilitate & miseriis humanæ conditionis.		
7	<i>Vanitatum vanitas, Omnia &amp;c.</i>	7
8	<i>Insignis est figura &amp;c.</i>	8
9	<i>Scribere proposui &amp;c.</i>	9
10	<i>Mars præcurrit in planetis &amp;c.</i>	10
11	<i>Mirum si lateris &amp;c.</i>	11
De vita Scholastica.		
12	<i>O Scholares discite &amp;c.</i>	11
13	<i>Scholares convenite &amp;c.</i>	13
14	<i>In stadio laboris &amp;c.</i>	13
15	<i>O Scholares, Voce pares &amp;c.</i>	14
De Tempore Vernali.		
16	<i>In vernali tempore &amp;c.</i>	14
17	<i>Tempus adest floridum &amp;c.</i>	15
Accessit:		
18	<i>Jesu Benigne, A cujus &amp;c.</i>	16

NB. Str. Strophus 1. 2. 3. &c.

:/: Indicat primam repetitionem esse factam.

--- Denot. syllab. in cantu producend.



## Cantiones de Nativitate Domini & Salvatoris nostri Jesu Christi.

Cant. 1.

Str. 1. **A**ngelus emittitur, Ave dulce promitur,  
Semen DEI feritur; Igitur porta cæli  
panditur.

2. Vim Natura patitur, Filius concipitur,  
Virgo non corrumpitur; Igitur &c.

3. Grex in nocte pascitur, Cæli lumen funditur,  
Laus in altis canitur; Igitur &c.

4. Gaudium prædicatur, Pax quoque promittitur,  
Bonis tamen traditur; Igitur &c.

5. Novum sydus oritur, Mortis umbra tollitur,  
Mundi salus gignitur; Igitur &c.

6. Diligendus proditur, Nil culpandus moritur,  
Non vincendus capitur; Igitur &c.

7. Cruci vita figitur, Infernus destruitur,  
Captivitas tollitur; Igitur &c.

8. Adam nexu solvitur, Mors orco deprimitur,  
Caput hostis teritur; Igitur &c.

9. Argumentis igitur. In his Christus sistitur &  
Morti sic excluditur; Igitur porta cæli panditur.

Cant. 2.

Str. 1. **A**ve maris stella, Divinitatis cella, Natus  
castitatis, Radix sanctitatis, Filius æter-  
nae claritatis. Apparuit, Apparuit, Quem pia Vir-  
go genuit Maria.

) ( 2

2. Ave

2. Ave puer mitis, Suavitatis vitis, Mundi es creator, Simul & Salvator, Tu es, omnis bonitatis dator. Apparuit, Apparuit &c.

3. Hod e Salvator Et Angelorum Sator, Mitis & devotus, In Judea notus, Nascitur & languet ut egrotus. Apparuit, Apparuit &c.

4. Pannis involutum, Quem Virgo profert nudum, Hunc cognovit \* esse De radice Jesse, Quem Propheta cecinit expresse. Apparuit, Apparuit &c.

5. Umbra vetustatis, Enigma cecitatis Transit, & in lucem Virgo profert nucem, Dans Israël ex Agypto Ducem, Apparuit, Apparuit &c.

6. Ecce conceptura Natumque paritura Virgo nominatur Atque salutatur, Mundus sic de morte liberatur. Apparuit, Apparuit &c.

7. Clamat Esaias: Jam preparate vias, Semitas & rectas Domino perfectas, Animas qui coronat electas. Apparuit, Apparuit &c.

8. Rigor perit legis, Dum pro peccato gregis Pastor immulatur, Hostia maculatur, Populus in tenebris salvatur. Apparuit, Apparuit &c.

9. Puer singularis, O Christe stella maris, Salus in procella, Nate de puella, Dominum pro nobis interpellat. Apparuit, Apparuit, Quem pia Virgo genuit Maria.

## Cant. 3.

Str. 1. **D**ies est letitiae In ortu regali, Nam processit hodie \*\* Ventre virginali: Puer a mirabilis, Totus delectabilis In humanitate, Quis enastimabilis Est & ineffabilis In Divinitate.

2. Oratio

2. Oratio DEI Filio Virgine de pura, Ut rosa de lilio, Stupescit natura: Quem parit iuvenuta, Natum ante secula, Creatorem rerum, Quod uber mundi-tiae Dat lac pudicitiae Antiquo dierum.

3. Mater haec est filia, Pater hic est natus, Quis audivit talia? DEus homo natus: Seruus est & Dominus, Qui ubique cominus Nescit comprehendi, Praesens est & Eminus, Stupor ejus geminus Nequit apprehendi.

4. In obscuro nascitur Illustrator Solis, Stabulo reponitur Princeps terra molis: Faciatur dextera, Quae affixit sidera, Et caelos ascendit, Concrepat vagitibus, Qui tonat in nubibus Ac fulgur accendit.

5. Angelus pastoribus, Juxta suum gregem Nocte vigilantibus, Natum caeli regem: Nunciat cum gaudio, Jacentem in praesepe, Infantem pannosum, Angelorum Dominum, Et, praenatis hominum, Forma speciosum.

6. Ut vitrum non laditur, Sed penetrante, Sic illa creditur, Post partum & ante: Felix haec puerpera, Cujus casta viscera Deum genuerunt, Et beata ubera, In etate tenera, Christum lactaverunt.

7. Mundus dum describitur, Virgo pregnantis ibat, In Bethleem dum nascitur Puer, qui nos cibatur: In caelorum curia Canebatur gloria Nova dignitatis. DEus in sublimibus Det pacem hominibus Bonae Voluntatis.

8. Christe, qui nos propriis Manibus fecisti, Et pro nobis omnibus Nasci voluisti: Te devote petimus,

X 3

Laxa

Laxa quod peccavimus, Ne nos interire Post mor-  
tem nos miseros, &c simul ad inferos Patiaris ire.

Cant. 4.

Str. I. **E**cce novum gaudium, Ecce novum mirum,  
Virgo parit filium, Quæ non novit vi-  
rum: Quæ non novit virum, Sed ut pyrus pyrum,  
Gleba fert papyrus, Florens lilium. Ecce quod natu-  
ra Mutat sua jura, Virgo parit pura DEI Filium.

2. Mundum DEUS flebilem Cernens in ruina, Re-  
sam delectabilem Produxit de spina: Produxit de  
spina, Natum de regina, Qui & medicina, Salus  
gentium. Ecce quod natura &c.

3. Nequivit Divinitas Plus humiliari, Nec nostra  
carnalitas Magis exaltari: Magis exaltari, DEO  
coequari, Cælo collocari, Per conjugium. Ecce quod  
natura Mutat sua jura, Virgo parit pura DEI Filium.

Cant. 5.

Str. I. **C**ongraudeat turba fidelium,  
Virgo mater peperit Filium in Betlehem.

2. Ad pastores descendit Angelus,  
Dicens eise natus est Dominus in Betlehem.

3. Loquebantur pastores invicem:  
Trañseamus ad novum hominem in Betlehem.

4. In octava dum circumciditur,  
Nomen ei JESUS imponitur in Betlehem.

5. Trini, Trino, Trina dant munera  
Regi regum sugenti ubera in Betlehem.

6. Colly-

6. Collyridas simul cum nectare  
Benedicat Christus Rex gloria in Betlehem.

Cant. 6.

Str. I. **P**ersonent bodie Voces puerule, Laudantes  
jucunde, Qui nobis est natus, Summo  
Deo datus, Et de vi- r ] gineo ventre procreatus.

2. In mundo nascitur, Pannis involvitur, Præse-  
pi ponitur. Stabulo brutorum Rector supernorum;  
Perdidi - t ] spolia princeps infernorum.

3. Magi tres veniunt\*, Munera conserunt †,  
Parvulum inquirunt, Stellulam sequendo, Ipsum ado-  
rando, Aurum, thu- s ] & myrrham ei offerendo.

4. Omnes clericuli, Pariter pueri, Cantent ut An-  
geli, Advenisti mando, Laudes tibi fundo. Ideo - ]  
gloria in excelsis DEO.

De fragilitate & miseriis humanæ

Conditionis,

Cant. 7.

Str. I. **V**anitatum vanitas, Omnia sunt vana,  
Nil sub sole stabile In vita humana, Vel-  
ut fumus transit Gloria mundana, Ista cur ample-  
cteris, O tu mens insana?

2. Si cecus\*\*, an oculus Tibi caligavit, Et apertis  
oculis, Cecitas prostravit, Vel tuam dementiam, Furor  
induravit, Ista non consideras, Neque cor expavit.

3. Dic, miser homuncule, Quidnam cogitasti? Cujus  
erunt omnia Hæc, quæ congregasti? Ad caput reponi-  
tur Tibi, quod amasti? Nequaquam: sed possides Id,  
quod ignorasti.

4. Ani-

] Signif. 3 prox. præced. syllab. repet.

4. Animam diaboli Rapiunt ad pœnas, Amici pecunias Di. idunt amœnas, Vermes carnem devorant Simul atque venas, Res tua devolvitur Ad manus alienas.

5. Uxori & liberis Res tuas liquisti, Pro bis miser animam Tuam posuisti, Uxor ducit alium, Quem tu non novisti, Tui obliviscitur, Quam sic dilexisti.

6. Sic perit memoria Tuorum filiorum, Iphis succedentibus In prosperis bonorum, Gaudent cum gaudentibus, Ut mos est eorum, It tui memoria Cum sonitu verborum.

## Cant. 8.

Str. I. **I**nsignis est figura, Quam adinvenit aries, Cunctorum flos camporum, Mundum vocando vetulam Gressu mi--ra-bi-lem. Ambigua statura, Cujus rugosa facies, Asperitas membrorum, Vita presentis formulam Monstrat in--sta-bi-lem :/ Constat cunctis certissime Jam toties expertum, Quod defluit citissime Finem habens incertum, Hanc ergo credas fabulam, Rem tam pro--ba-bi-lem.

2. O quam multa promittit, Longam vitam, divitias, Favores & honores, Tandem in fine decipit Te falli--bi-li-ter. Nam nudum te dimittit Ad maximas miseras, Dolores & horrores, Corpus dum terra suscipit Misera--bi-li-ter :/ Possessio dirumpitur Heredes per carnales, Et anima demergitur Ad pœnas infernales, Scito, quis ista recipit Jam sati...s gra-vi-ter.

3. Quam miser es, avare, Qui non vis DEo credere, Nec in eum sperare, Qui diligis terrestria, Spernens cœ--le-sti-a. Predico tibi clare, Quod cito de-

bes

bes perdere, Quæ congregas avare, Teque cum violentia Tollit mo--rs i-mpi-a :/ Versutias, astutias Persolvis cum usura, Post carnisque delicias, Quas possides cum cura, Traberis ad supplicia Semper ma--ne-nti-a.

4. Si tamen vis salvari, Innixus Christi Sangvine, Dum tempus indulgetur, Pietatis operibus Insta fi--de-li-ter ; Misericors placari Pater potest facillime, Si tamen exoretur : Nam lachrymis & precibus Flecti-tu--r du-ci-ter :/ Nam si conversus fueris Corde simul & ore, Tuæque libens dederis Divino cum amore, Vere cum sanctis omnibus Vives fe--li-ci-ter.

## Cant. 9.

Str. I. **S**cribere proposui De contemptu mundano, Jam est hora surgere De somno mortis vano :/ Zizaniam spernere, Sumto virtutum grano, Surge, surge, vigila, Semper esto paratus.

2. Ubi sunt, qui ante nos In hoc mundo fuerunt? Venias ad tumulum, Si vis eos videre :/ Cineres & vermes sunt, Postquam computruere. Surge, surge &c.

3. In hoc mundo nascitur Vir omnis cum mœrore, Atque vita ducitur Humana cum labore :/ Post extremum clauditur Cum funeris dolore. Surge &c.

4. Vita brevis breviter In brevi finietur, Venit mors velociter, Et neminem veretur :/ Omnia mors surripit, Et nulli miseretur. Surge, surge &c.

5. O si scires gloriam In regno beatorum, Nunquam dares animam Ad vana mundanorum :/ Sed servires jugiter Rectori Angelorum. Surge &c.

) ( 5

6. O quam

6. O quam felices hi sunt, Qui cum Christo regnabunt, Facie ad faciem Dum ipsum inspectabunt:/: Sanctus, Sanctus Zebaoth Domino proclamabunt. Surge & c.

7 O quam dolor flebilis, A Christo separari, Et nunquam in numeris Justorum nominari:/: Sed semper in tenebris Inferni cruciari. Surge & c.

8 O si pœnam minimam Sentires damnatorum, Bene vim hic sufferes Cunctorum tormentorum:/: Ut sic posses fugere Dolores captivorum. Surge & c.

9. Ibi nullam requiem Acquirunt existentes, Nec lassantur demones Animas punientes:/: Quorum voces clamitant: Vae! vae! eternaliter. Surge, surge, vigila, Semper esto paratus.

## Cant. 10.

Str. 1. **M**ars præcurrit in planetis, Homo pacis & quietis Nil valet in seculo: Sed tyranni & feroces, Qui ad mala sunt veloces, Hi regnant in populo:/: Effrenes & indomiti, Qui devastant & incendunt, Quæ sunt sua non attendunt, Tales placent Comiti.

2. Ducunt vaccas, equos, boves, Capras, hircos, porcos, oves, Et si qua similia: Ducunt lanam atque linum, De rapinis implent sinum. Nudat matrem filia:/: En iudex ante januam Clamat: redde quod tulisti, Vel peribis casu tristi, Mortem per turpissimam.

3. Jesu Christe, Fili Patris, Confer nobis jam renatis Tuum Sanctum Spiritum. Quid prodesset nobis nasci, Si tu velles Rex irasci Ad nostrum interi-

teritum:/: Memento, quod sumus tui, Tu es factor, nos factura, Tibi sit pro nobis cura, Te precamur cernui.

## Cant. II.

Str. 1. **M**irum, si lateris, Dum ex apparentibus Magis quam ex veris, Mors concludit Et illudit, Homo, quid tunc eris? Mors fallax sophista, Breves dies hominis, Quam vera sunt ista, Intus aret Et disparet Fragilis arista:/: Cum sine vitis Homo vix in mundo Heu sit, supplicis in lacu profundo Agitatur Et pulsatur, Ut ventis arundo.

2. Mors mundi figura, Quæ corrupta subito Perit, ut pictura, Non in luctu, Sed in fluctu Hominem demtura. O mundi Sophia, Nos errantes corrige Ver tatis via, Ut eamus, Ne cadamus In mortis ruina:/: Tu spe humilium, Rutilans aurora, Pro nobis Dominum Jugiter implora, Adjudare Tu dignare Nos mortis in hora.

3. Hominem tam durum facentem in crimine, Se judicaturum, Dum post mortem Sciat forem Judicem venturum; Quid artes? quid iura Tibi pro sunt homini? Solum ad futura; Vel est ite, Vel venite, Judicis censura:/: Ergo dum veneris, Judex, judicare, Tu nostri generis Statim memorare, Quos emisti, Redemisti, Noli condemnare.

## De vita Scholastica.

## Cant. 12.

Str. 1. **O** Scholares, di-sci-te, Auribus perci-pi-te, Oculis

culis videte, Quam beatam du-ci-tis Vitam, quam dili-gi-tis Studium quietis:/: Mane Scholas petite, Vespera rece-di-te Domum repetentes: Quis status felicior? Quae vita secu-ri-or Inter nunc viventes?

2. Reges, duces, co-mi-tes, Principes & mi-li-tes Nunquam sunt securi; Vivunt enim mi-se-re, Arma debent ge-re-re Semper pugnaturi:/: Ap-ellan-tur Domini: Omni non ho-mi-ni Talis laus debe-tur. Bona transitoria Sunt eorum glo-ri-a, Si-cuti videtur.

3. Mercatores pro-vi-di\*, Nocte die ti-mi-di, Flu-mina marina, Propter lucrum, tran-se-unt, Et quan-doque pe-re-unt Morte repentina:/: Quorum merci-monia Sorte pendent du-bi-a, Pariter & vita. Vi-su miserabili Pereunt de fa-ci-li Diu acquisita.

4. Rusticorum li-mi-ni Solent terra Do-mi-ni Dominari mire: Quicquid debent, e-xi-gunt, Si non praestant\*\*, a-di-gunt Pauperes abire:/: De thesauro paupere Magnis solent a-dde-re Magnam portionem. Sed eo stibilibus, Quod his DEus ci-ti-us Mittat ultionem.

5. Regula Schola-ri-um Est excellens om-ni-um Vita sanctitate. Licet nulla si-mi-lis Tamen est dif-fi-ci-lis In asperitate:/: Soli DEo ser-vi-unt, Sitiunt, esu-ri-unt, Quorum paupertatem Enarrare nequeo, Consequuntur i-de-o Christi pietatem.

6. Ex istis colli-gi-te Vitam, quam dili-gi-te, Sem-per clericalem. Singula pertra-nse-o, Ita quod nunc ne-sci-o Similem vel talem:/: Vos estis in medio Li-  
bero

berò arbi-tri-o Rite confidentes, Postquam senueri-tus, Sacerdotes e-ri-tis DEo servientes.

7. Qui in terris pro-pri-um Linqunt patri-mo-ni-um, Habent Spiritale: Quae propter solli-ci-tate Date preces de-bi-te, Propter donum tale:/: Ipse vos ad gaudia Transferat caele-sti-a, Precibus placatus, Ubi sine termino Hymnum canit Do-mi-no Popu-lus beatus.

## Cant. 13.

Str. I. Scholares convenite, Libenter hac audite, Procul a vitio, Tractabo vobis rite, Quae qualis vestra vita Constet conditio:/: Nam primi-tus barbati, In facie rugati, Stabant rigoribus. Vix volunt ablaetati Jam esse subjugati Suis, do-cturibus.

2. En quondam timuistis Magistros, dum sedi-stis Vos in putveribus: Tunc certe profecistis, Cum subditi fuistis Scholae verberibus:/: Omne caput lan-guescit, Dum Pastor oves nescit, Ac errans erit grex: Latinum jam recessit, Barbaricum accessit, Schola-rum perit lex.

3. Scholaribus revera Iecunia in pera, Quinter-nam anibus, Et capitis in sphaera Mitra fulget sin-cera Modis in omnibus:/: Vix sciunt G ut, A, re, Nec Musa declinare, Nec curant studium: Sed discunt chorizare, Incipiunt amare Mundi tri-putium.

## Cant. 14.

Str. I. In stadio laboris Currunt omnes socii: Sed bradium honoris Non sequuntur singuli:/:



*Si non vis onerari, Caveas honorari,  
Honor vult onere gravari.*

2. *Sicut dulcedo mellis Non evacuabitur,  
Acerbitasque fellis Nunquam relaxabitur :/:*  
*Sic & in pralatura Nullus est sine cura,  
Rerum hoc exigit Natura.*

3. *Sed si in libertate Vivere volueris,  
Vivas in caritate, Sic tu non dolueris :/:*  
*Nil habes, nil dolebis, Perditum neque flebis,  
Sed in hoc, quod habes, gaudebis.*

## Cant. 15.

Str. I. **O** Scholares, Voce pares, Jam mecum concinite, Et choream Jubileam Semper mecum ducite :/; Jam ad festum Modo mæstum Servitutis studii, Noster cætus Speret letus Nobilis convivii.

1. *Convivari, Non trislari Jubet lex in seculo,  
Consolari, Jucundari Mandat Bacchus populo :/:*  
*Ergo gaude, laude laude, Concio Scholarium, O si tale, Tale, tale Semper esset gaudium.*

3. *Felix ludus, In quo nudus Scholaris verberibus Non succumbit, Nec decumbit Magistri livoribus :/:*  
*Ergo gaude, Plaude laude, Concio scholarium, O si tale, Tale, tale Semper esset gaudium.*

## De Tempore Vernali.

## Cant. 16.

Str. I. **I**n vernali tempore, Ortu letabundo,  
Dum recedunt frigora, Nunciat birundo :/:

Terra

*Terra, maris, nemoris Decus adest deforis,  
Renovato mundo. Vigor redit corporis,  
Cedit dolor pectoris, Tempore jucundo.*

2. *Terra vernat floribus, Et nemus virore,  
Aves mulcent cantibus Et vocis dulcore :/:*  
*Aqua tempestatibus Caret, aër imbribus,  
Dulci plenus rore. Sol, consumtis nubibus,  
Radiis patentibus Lucet cum dulcore.*

3. *O quam mira gloria, Quantus decor D&S,  
Quanta resplendentia Sua faciei :/:*  
*A quo ducunt omnia, Ima, summa, media,  
Formam speciei? Major est distantia,  
Quam sit differentia Noctis & diei.*

## Cant. 17.

Str. I. **T**empus adest floridum, Surgunt namq; flores,  
Vernales in omnibus Imitantur mores :/:

*Hoc, quod frigus laeserat, Reparant calores,  
Cernimus hoc fieri Per multos labores.*

2. *\* Prata plena floribus, Jucunda conspectu,  
Ubi juvat cernere Herbas cum delectu :/:*  
*Planta cum graminibus\*\* Hieme quiescunt,  
Vernali in tempore Virent & accrescunt.*

3. *Hæc vobis pulchre monstrant DEum Creatorem,  
Quem quoque nos credimus Omnium factorem :/:*  
*O tempus ergo hilare, Quo letari libet,  
Renovato nam mundo, Nos novari decet.*

4. *Terra ornatur floribus Et multo decore,  
Nos honestis moribus Et vero amore :/:*  
*Gaudeamus igitur Tempore jucundo,  
Laudemusque Dominum Pectoris ex fundo.*

E Joh. Anastasi Freylinghausen Geistreiches Gesänge  
Buch, Halæ Saxon. 1721. Impress.

## Cant. 18.

Str. I. **J**esu benignè, **A**ctus ignè Opto fla-  
grare, Et te amare. Cur non fla-  
gravi? Cur non amavi Te, Jesu Christe?  
O frigus triste! :|:

2. Pelle algorem, Et da amorem; Te depe-  
ribo Et non peribo. Ignibus gliscam, Ne per-  
sentiscam (a) DEi amantis, Rogos damnantis. :|:

3. Sunt cause mille, Cur velit ille Semper a-  
mari, Semper laudari. Primus amavit, Et viam  
stravit Ad se amandum, Ad se laudandum. :|:

4. Dum me creavit, Primus amavit, Dum me  
redemit, Pœnis exemit. Exemplum DEi Amantis  
mei Sequar amando, Cor dedicando. :|:

(a) Vindictam te.

OBSERV. Priorès Editiones habent: p. 4. \* Bos  
cognovit \*\* de metri gr. a nobis omiff. p. 6. \*\*\* Ad  
presepe stant bos & asinus, Cognoverunt quia esset Do-  
minus in Bethlehem, quem sirophum consulto missum  
fecimus. p. 7. \* venerunt, \*\* es propt. metr. o-  
miss. p. 12. \* avidi, \*\* Rustici sunt asini quibus ter-  
ra Domini Dominantur mire. Quicquid habent, ra-  
piunt, si non habent, &c. p. 15. \* Sunt metri caus.  
omiff. \*\* Gramina & planta it. commut.

Præterea p. 7. † verba: Munera conferunt, in  
antiquis Editionibus desiderantur.



Freylinghausen

Peter Freylinghausen  
Jan. 1787

~~...~~  
Wesphaele 25. Jan. 1787.

~~...~~  
1786